



Fundur í sveitarstjórn

72. fundur sveitarstjórnar Langanesbyggðar haldinn í félagsheimilinu Þórsveri á Þórshöfn fimmtudaginn 12. október 2017 og hófst kl. 17:00.

Mætt voru: Þorsteinn Ægir Egilsson oddviti, Þorsteinn Vilberg, Þórisson Hulda Kristín Baldursdóttir, Sóley Indriðadóttir, Siggeir Stefánsson, Karl Ásberg Steinsson, Steinunn Leósdóttir, Elías Pétursson og Jónas Egilsson skrifstofustjóri sem ritaði fundargerð.

Oddviti setti fundinn, bauð fundarmenn velkomna og spurði hvort gerð væri athugasemd við fundarboð. Svo var ekki. Að því loknu var gengið til dagskrár.

Dagskrá

1. Fundargerð 397. fundar stjórnar Hafnarsambands Íslands, dags. 20. september 2017.
2. Fundargerð 299. fundar stjórnar Eypings, dags. 27. september 2017.
3. Fundargerð 194. fundar heilbrigðisnefndar Norðurlandssvæðis eystra, dags. 7. september 2017.
4. Fundargerð 195. fundar heilbrigðisnefndar Norðurlandssvæðis eystra, dags. 2. október 2017.
5. Fundargerð 30. fundar fræðslunefndar Langanesbyggðar, dags. 20. sept. 2017.
6. Fundargerð 12. fundar stjórnar Nausts, 9. október 2017.
7. Innsent erindi, Afl samtök gegn kynferðis- og heimilisofbeldi, dags. 25. september 2017.
8. Innsent erindi, Atvinnu- og nýsköpunarráðuneytið, auglýsing um umsókn byggðakvóta, dags. 11. sept. 2017.
9. Innsent erindi frá Daníel Hansen vegna ferðaþjónustu á Bakkafirði, ódags.
10. Innsent erindi frá áhugahópi um alhliða líkamsrækt á Þórshöfn, dags. 9. október 2017.
11. Rekstur tjaldsvæða 2017, samantekt og tillögur.
12. Drög að samstarfssamningi við Þekkingarnet Þingeyinga vegna atvinnuskapandi rannsóknarverkefna fyrir háskólanema.
13. Skipun í atvinnu- og ferðamálanefnd og menningar- og bókasafnsnefnd.
14. Yfirkjörstjórn – kosning varamanna.
15. Hafnartangi 4 Bakkafirði, tillaga um sölu á húsinu.
16. Samningur um fjárstyrk vegna Finnaþjarðar.
17. Skýrsla sveitarstjóra.

Fundargerð

1. Fundargerð 397. fundar stjórnar Hafnarsambands Íslands, dags. 20. september 2017.

Fundargerðin lögð fram.



2. Fundargerð 299. fundar stjórnar Eyþings, dags. 27. september 2017.

Fundargerðin lögð fram.

Til máls tóku: Karl Ásberg Steinsson, Elías Pétursson.

3. Fundargerð 194. fundar heilbrigðisnefndar Norðurlandssvæðis eystra, dags. 7. september 2017.

Fundargerðin lögð fram.

4. Fundargerð 195. fundar heilbrigðisnefndar Norðurlandssvæðis eystra, dags. 2. október 2017.

Fundargerðin lögð fram.

5. Fundargerð 30. fundar fræðslunefndar Langanesbyggðar, dags. 20. sept. 2017.

Fundargerðin lögð fram.

Meirihluti L og N-lista lagði fram eftirfarandi bókun: L og N-listinn fela sveitarstjóra að koma, svo fljótt sem verða má, á fundi meirihluta sveitarstjórnar og skipuðum fulltrúum í fræðslunefnd.

Siggeir Stefánsson óskaði eftir fundarhlé.

Samþykkt fundarhlé kl. 17:16.

Oddviti setti fund kl. 17: 25.

Siggeir Stefánsson lagði fram svohljóðandi bókun:

U-listinn gerir alvarlega athugasemd við að minnihluta sé ekki boðið að sitja fund með fræðslunefnd og teljum við þetta vera ólýðræðisleg vinnubrögð. U-listinn gerir athugasemd við hve seint fundargerð fræðslunefndar frá 20. september nr. 30 var sett inn á vef Langanesbyggðar. U-listinn tekur heilshugar undir eftirfarandi bókun fræðslunefndar.

“1. Bréf frá kennurum og starfsfólki Leikskólans Barnabóls Gréta fór yfir stöðuna í leikskólanum hvað varðar ástand húsnæðis. Svar við ályktun frá leikskólastjóra og kennurum Barnabóls dagsett 15.ágúst 2017. Fræðslunefnd tekur undir þá skoðun að ótækt sé að ekki hafi verið haft meira samráð við starfsfólk við svo veigamikla ákvarðanatöku sem staðsetning og nýbygging leikskóla er. Fulltrúar fræðslunefndar hafa ekki séð það mat sem meirihluti sveitarstjórnar Langanesbyggðar vitnar í og hafa ekki fengið neinar upplýsingar eða erindi varðandi málið síðan 2015. Fræðslunefnd fékk engar upplýsingar um málið fyrr en ákvörðun um staðsetningu birtist í fundargerð sveitarstjórnar 5.apríl 2017. 2. Samstarf við fræðslunefnd vegna nýbyggingar leikskóla Á árunum 2012-2015 var þáverandi fræðslunefnd þátttakandi í þeirri vinnu sem unnin var við val á staðsetningu og grunnhönnun leikskóla. Var nefndin boðuð á fundi með arkitektum, grenndarkynningu, íbúafundi o.fl. Fulltrúar



fræðslunefndar harma það að upplýsingaflæði hafi stöðvast og samráð/samvinna sé ekkert núna og óskum eftir að samráð verði haft í þeirri hönnunarvinnu sem framundan er. Fræðslunefnd ítrekar ósk sína frá fundi 16. ágúst sl. að fá að funda með sveitarstjórn um málið.”

Skorum við á meirihlutann að endurskoða afstöðu sína og byggja nýjan leikskóla við núverandi grunnskóla og fara þar með eftir niðurstöðu mikillar vinnu hjá sveitarfélaginu og afstöðu fagaðila.

Oddviti gerði hlé á fundi kl. 17:26.

Oddviti setti fund að nýju kl. 17:34.

Til máls tók Hulda Kristín Baldursdóttir og lagði fram svohljóðandi bókun:

Þar sem bókun fræðslunefndar beinist augljóslega að meirihluta sveitarstjórnar telur meirihlutinn eðlilegt að bjóða fræðslunefnd til fundar þar sem hægt er að koma sjónarmiðum meirihluta á framfæri og eiga gott samtal um forsendur að baki ákvörðunar meirihluta. Að því sögðu þá sér meirihluti sveitarstjórnar ekkert því til fyrirstöðu að fræðslunefnd verði boðuð til fundar með sveitarstjórn á næsta reglulega fundi hennar.

Siggeir Stefánsson óskaði eftir fundarhlé kl. 17:35. Samþykkt.

Fundur settur að nýju kl. 17:41.

Til máls tóku: Karl Ásberg Steinsson, Þorsteinn Ægir Egilsson, Hulda Kristín Baldursdóttir, Siggeir Stefánsson, Karl Ásberg Steinsson.

Hulda Kristín Baldursdóttir óskaði eftir fundarhlé kl. 17:47. Samþykkt.

Oddviti setti fund kl. 17:51.

Til máls tóku: Þorsteinn Ægir Egilsson, Siggeir Stefánsson.

6. Fundargerð 12. fundar stjórnar Nausts, 9. október 2017.

Fundargerðin lögð fram.

Meirihluti L og N-lista lagði fram eftirfarandi bókun: L og N-listinn taka sérstaklega undir með rekstrarstjórn varðandi góðan rekstraárangur fyrstu sex mánuði ársins og þakkar starfsfólki heimilisins frábært starf.

7. Innsent erindi, Afl samtök gegn kynferðis- og heimilisofbeldi, dags. 25. september 2017.

Erindið lagt fram til kynningar.

Til máls tók Siggeir Stefánsson og lagði fram svohljóðandi bókun:



U-listinn tekur vel í erindið og leggur til að því að því verði vísað til velferðarnefndar og henni falið að ásamt skrifstofu Langanesbyggðar að skipuleggja kynningarfund í samráði við Afl.

Til máls tók: Elías Pétursson.

8. Innsent erindi, Atvinnu- og nýsköpunarráðuneytið, auglýsing um umsókn byggðakvóta, dags. 11. sept. 2017.

Skv. auglýsingunni er sveitarfélaginu gefinn kostur á að sækja um byggðakvóta fyrir fiskveiðiárið 2017/2018. Frestur til að skila inn umsókn er til 15. okt. nk.

Til máls tók: Elías Pétursson.

Samþykkt um bókun: Sveitarstjórn felur sveitarstjóra að sækja um byggðakvóta á sambærilegum forsendum og gert hefur verið undanfarin ár.

Samþykkt samhljóða.

9. Innsent erindi frá Daníel Hansen vegna ferðapjónustu á Bakkafirði, ódags.

Ódagsett bréf frá Daníel Hansen lagt fram. Hann setur fram hugmynd um að byggja upp kaffihús og smásölubúð á Bakkafirði í húsnæði grunnskólans á Bakkafirði. Þessi starfsemi myndi tengjast rekstri tjaldsvæðisins á Bakkafirði. Óskað er eftir fundi til að ræða útfærslu þessarar hugmyndar nánar.

Samþykkt um bókun: Sveitarstjórn þakkar bréfitara erindið og vísar því til umfjöllunar í atvinnu- og ferðamálanefnd.

Samþykkt með fimm atkvæðum. Siggeir Stefánsson, Steinunn Leósdóttir sitja hjá.

Til máls tók Siggeir Stefánsson og lagði fram svohljóðandi bókun:

U-listinn lýsir yfir ánægju sinni með hugmyndir Daníels og leggur til að atvinnu- og ferðamálanefnd ásamt skrifstofu Langanesbyggðar verði falið að funda með Daníel og koma með tillögur til sveitarstjórnar.

Samþykkt samhljóða.

10. Innsent erindi frá áhugahópi um alhliða líkamsrækt á Þórshöfn, dags. 9. október 2017.

Lagt fram yfirlit og hugmyndir um endurnýjun á búnaði í Veri, í framhaldi af tillögum sem kynntar voru á 70. fundi sveitarstjórnar.

Samþykkt um bókun: Sveitarstjórn þakkar vel fram settar hugmyndir hópsins og felur sveitarstjóra að hafa þær til hliðsjónar við áframhaldandi áætlanagerð vegna málsins.

Samþykkt samhljóða.



12. Rekstur tjaldsvæða 2017, samantekt og tillögur.

Yfirlit frá forstöðumanni áhaldahúss um rekstur og afkomu tjaldsvæða í Langanesbyggð lagt fram. Það er lagt fram skv. bókun 70. fundar.

Samþykkt um bókun: Tillögum til úrbóta er vísað til fjárhagsáætlunargerðar næsta árs. Samþykkt samhljóða.

Til máls tók: Siggeir Stefánsson.

13. Drög að samstarfssamningi við Þekkingarnet Þingeyinga vegna atvinnuskapandi rannsóknarverkefna fyrir háskólanema.

Drög að samstarfssamningi við Þekkingarnet Þingeyinga lagt fram. Samningurinn er framhald fyrri samnings og hluti af samkomulagi annarra sveitarfélaga í Þingeyjarsýslu um eflingu rannsóknarverkefna fyrir háskólanema í heimahéraði. Skv. fyrirbyggjandi tillögum er gert ráð fyrir kr. 163.348 framlagi Langanesbyggðar fyrir árið 2017 og kr. 212.352 á næsta ári. Framlag stýrist af íbúatölu og er hlutfallað út frá föstu framlagi Norðurþings til verkefnisins.

Til máls tóku Elías Pétursson, Siggeir Stefánsson.

Samþykkt um bókun: Sveitarstjórn felur sveitarstjóra að undirrita fyrirbyggjandi samning.

Samþykkt samhljóða.

14. Skipun í atvinnu- og ferðamálanefnd og menningar- og bókasafnsnefnd

Fram er lögð úrsögn Oddnýjar Kristjánsdóttur úr atvinnu- og ferðamálanefnd og menningar- og bókasafnsnefnd af persónulegum ástæðum.

Einnig tilnefnir oddviti í stað Oddnýjar í atvinnu- og ferðamálanefnd, Stefán Benjamínsson aðalman og Sólrúnu Arneyju Siggeirsdóttur sem varamann og í menningar- og bókasafnsnefnd, Söru Stefánsdóttur sem aðalman.

Samþykkt um bókun: Sveitarstjórn þakkar Oddnýju störf hennar í þágu sveitarfélagsins.

Samþykkt samhljóða.

15. Yfirkjörstjórn Langanesbyggðar

Vegna brottflutnings Guðrúnar Stefánsdóttur úr sveitarfélaginu verður Vífill Þorfinnsson aðalmaður í yfirkjörstjórn. Þá þarf að skipa annan varamann í stað Guðmundar Hólm Sigurðssonar, sem er látinn. Auk þess vantar alla varamenn í undirkjörstjórnir vegna breytinga á högum aðal- og varamanna.



Bókun um samþykkt: Sveitarstjórn samþykkir að skipa sem varamenn í yfirkjörstjórn þau Odd Skúlason og Hrefnu Marinósdóttur. Enn fremur er samþykkt að yfirkjörstjórn sé heimilt að tilnefna varamenn í undirkjörnstjórnir verði frekari forföll í þeim.

Samþykkt samhljóða.

16. Hafnartangi 4 Bakkafirði, tillaga um sölu á húsinu

Húsnæðið hefur staðið autt um nokkurn tíma en þar var rekin verslun þar til í desember 2016.

L og N- listi leggja fram eftirfarandi tillögu: Lagt er til að sveitarstjóra verði falið að hefja opið sölufrelsi vegna eignarinnar, áskilnaður skal vera um að hægt sé að hafna öllum tilboðum.

Til máls tók: Siggeir Stefánsson og lagði fram svohljóðandi tillögu að bókun:

U-listinn leggur til að húsnæðið verði auglýst með fyrirvara um hvað eigi að gera með húsið og einnig að við gætum hafnað öllum tilboðum.

Til máls tók Elías Pétursson.

Tillaga L og N lista samþykkt með fimm atkvæðum. Siggeir Stefánsson og Steinunn Leósdóttir sitja hjá.

Tillaga U-listans samþykkt samhljóða.

17. Samningur um fjárstyrk vegna Finnaþarðar

Lögð fram drög að samningi við innanríkisráðuneytið og Vopnaþarðarhrepp vegna aðkomu og endurgreiðslu ríkisins á útlögðum kostnaði sveitarfélagsins á kostnaði við undirbúning stórskipahafnar í Finnaþarði.

Til máls tók Elías Pétursson.

Samþykkt um bókun: Sveitarstjóra falið að ganga frá samningi við ráðuneytið á grundvelli framlagðra samningsdraga.

Samþykkt samhljóða.

18. Skýrsla sveitarstjóra

Sveitarstjóri fór yfir helstu mál sem hafa verið í gangi frá síðasta fundi og ekki er getið hér að ofan.

Sveitarstjóri og efsti maður U-lista sóttu fjármálaráðstefnu sveitarfélaga, hún var venju samkvæmt fróðleg og gagnleg. Einnig sótti sveitarstjóri ráðstefnu er varðaði innanlandsflug sem almenningssamgöngur. Í huga sveitarstjóra þá er ljóst að skipulag innanlandsflugs sem almenningssamgangna er ein besta leiðin sem völ er á til að styrkja byggð á öllu landinu.



Um komandi helgi munu sveitarstjóri og oddviti sækja ráðstefnuna Arctic Circle í Reykjavík.

Áfram hefur verið unnið að undirbúningi vegna mótvægisáðgerða vegna raka og myglu í leikskólabyggingum. Búið er að kaupa búnað og standa vonir til að uppsetningu ljúki í næstu viku.

Unnið hefur verið að gerð kynningarefnis og undirbúningi íbúafunda vegna nýs samnings um sorphirðu ásamt ýmsum málum því tengdu

Í vikunni kom hönnuður nýs leikskóla til Þórshafnar, fundaði hann með starfsfólki, fræðslunefnd og sveitarstjórn. Á fundum var farið yfir hönnunardrög með áorðnum breytingum eftir fund hönnuðar og starfandi leikskólastjóra. Nú er verið að vinna úr því efni sem til varð á fundunum og er meiningin að teikningar verði lagðar fyrir sveitarstjórn á næsta reglulega fundi hennar.

Til máls tóku Karl Ásberg Steinsson, Elías Pétursson.

Fundargerðin upplesin og samþykkt samhljóða.

Fleira ekki gert og fundi slitið kl. 18:49.